

# 日本漢文學百家集 88

王焱 編



YSP  
北京燕山出版社

王焱 主編

日本漢文學百家集  
88



北京燕山出版社

第八十八册

南源禪師藏林集 六卷 南源性派著 延寶二年……………一

蓮浦集 三卷 寂本著 元祿九年……………二六七

瑞聖詩偈 一卷 慧極道明著 元祿四年……………四四五

後光明帝御製詩集 一卷 後光明天皇著……………五七三

藏林集

卷一  
之三

南源禪師  
手書

上



藏林集目錄

卷第一

五言古

七言古

卷第二

五言律

卷第三

七言律

卷第四

七言絕

卷第五

歌賦序記

卷第六

啟祭文贊

南源禪師藏林集卷第一

侍者 道曜  
道周 編錄

五言古

明曆丙申孟春初入洛陽

春山青朶朶春水碧茫茫天門瞻不遠天路履安詳  
萬里關山納觀光上洛陽和風臨玉苑梅萼正飄香  
晴空懸舜日野鶴任高翔清音傳絳闕化令屬青皇  
大哉天府國雄勝甲東方絃聲聞藉藉王氣鬱蒼蒼  
鴨川浮錦浪帝澤流何長台峯凝翠色睿算祝無疆

四海車書會萬年寶祚昌衢民歌擊壤風化樂虞唐

清水寺禮大士

稽首洛伽尊現身清淨域春曉密行權全彰妙智力  
岩流性水清桃放錦江色處處攝羣機分形千百億  
暮山螺髻青古道箭鋒直樓閣湧重重雲頭高仰式  
大啟圓通門悲心洞八極

題庭前古松贈友

庭前一古松獨固歲寒姿靈根從地發雨露四時滋  
桃李爭顏色彼心竟不移冰霜侵凍骨彼節竟無虧  
婆娑停翠蓋偃蹇散虬枝寄言賢達士立世宜如斯

九日登高

古栢摩青霄，不老千年操。黃花開滿籬，已識重陽到。  
出門拭兩眸，山水從吾好。攜杖陟峻嶒，白雲忙踏破。  
忽聽鴈啼霜，頓驚人落帽。毛骨漱秋寒，乾坤容嘯傲。

寄隱者

勳爵之尊榮，無過公與伯。家世之驕奢，無過王與石。  
裘馬躍朝堂，錦幃連第宅。其如覆手間，淪沒成陳迹。  
所以逃秦人，酷愛商山碧。千尋絕世塵，一杖惟自適。  
泉石入膏肓，烟霞稱痼癖。茅廬三兩間，風雨蔽朝夕。  
紫芝歌幾曲，且覺神情懌。且無人事忙，那有利名役。

兩眼傲青天半瓢懸削壁高韻挹巢由寸心合共赤

閱明教嵩大師輔教篇

儒釋會同途猶身之與臂屈伸或有殊要之體無二  
韓子何如人偏強稱多技淵源辯失真輒自興浮議  
大夜蚊雷鳴青天昏霧翳營營混世波怏怏生疑忌  
未透上頭關安知第十義末代宗韓徒往往拾殘涕  
吾師獨慨焉起勵衛宗志爲法不爲名運悲復運智  
心懸日月光筆掃詞鋒利晉謁諸朝臣囑之靈鷲記  
次上萬言書闡明千載事烈胆照青霜緇林標赤幟  
功成身亦隱才碩德全備佛日感重輝依然照天地

圓福寺觀流

千尋海嶼中中有一圓福門外走風帆空中懸畫軸  
四顧若乘虛浮漚觀出沒頃刻變千端有無難把捉  
此理甚玄微其能推起伏

過一粟園贈何居士

淨名老古錐現身向中竺一默示家風五天俱屈伏  
玉融何居士結廬名一粟別具手眼精夾徑栽松竹  
竟日引清風四時添嫩綠霜雪不能凋高標真脫俗  
個裏別乾坤閒中歌坦腹卽此會怡神便是君清福  
同諸禪士遊龍潭漫興

溪行不數里，撥入老龍穴。老龍潛不見，惟見瀑飛雪。  
層層樹布陰，曲曲山溪饒。舌此蓋無情，物還具有言說。  
矧復有心者，到此其忍默。由是挈禪流，潭畔坐成列。  
暢與談無生，靜同觀起滅。波澄潭影空，山寂身聲悅。  
乘茲岩下涼，浣我心頭熱。回管視世途，世途何曲折。  
側耳聽溪泉，溪泉常流咽。是以山中遊，自與人間別。

贈法雲庵梵上人

何處無青山，何山無松竹。惟君愛幽深，就裏結茅屋。  
春晴百鳥鳴，其演無生曲。夜渡禪几閒，或把寒山讀。  
梵聲達四隣，雅韻傳空谷。不惟慧業增，抑使陰魔伏。

壬寅元旦述懷

遲遲旭日昇，蕩蕩谷風至。羣象既開蒙，萬方均普被。  
管歲入東都，我年二十四。今歲移太和，我年三十二。  
追惟九載間，踏徧神州地。道業愧無成，流光浪擲棄。  
贏得一身貧，寒梅於同志。博得兩眸青，長松難比翠。  
幾閱歲華臨，幾把兔毫試。縱橫天地間，故曰吾如寄。

寄分紫山謙師

春光纔到門，柳眼便相向。哲人既久違，能不遙相望。  
矯首暮雲深，放愁天宇曠。青山我故廬，滄海君襟量。  
吐氣若魚雲，唾詞猶簸浪。滾滾百千流，傾出無盡藏。

福廣濟人間名高聞洛上謙光能悅人懿德全不讓  
所以別君來益慕君道况日樂紫山中其風益可尚  
中秋同客坐月

良夜桂輪圓銀河明皎潔萬籟寂無聲千林含玉色  
少爲漸高昇搔首望何極指月月無言問余余亦默  
人月兩相忘仙香飄露濕

送人采隱

世方惑玄黃子獨耽淡隱試觀舉足間便與庸流遠  
山寂斷塵喧身閒坐石穩策已要忘勲尋源須達本  
大勝世間人茫茫不知返

謹言

言者心之聲聲者口之應言最則言輕言稀則言正當於哀怒時言多終失信當於喜樂時言多終亂性何如示一默永作心王鏡

慎行

處世慎立身舉足慎履平侯門休刺首公府休投名砥礪丈夫志須開兩眼明珍重娘生腳惟期正道行欲追先聖轍卽此是初程

安命

勞生處世間窮達都是命愚夫懵無知謂可力爭競

智巧任施張前途莫爲進血氣徒消磨添得心頭病  
誰識富兼貧無非是素定

### 知足

乾坤有萬古此身不再來苟非吾所有求之何益哉  
一衲能知足九章心自灰一飯能知足竟日飽忘懷  
是真安樂訣八字法門開

### 忍辱

大哉忍一字衆妙之玄門逆來我能忍彼非我何論  
曲來我能忍我直彼何言寬爲忍之母謙亦忍之源  
能行忍一字曾次別乾坤